

Članak 3.

Ovaj zakon stupa na snagu narednog dana od dana objave u "Službenim novinama Federacije BiH".

Predsjedatelj Doma naroda Parlamenta Federacije BiH prof. dr. Ivo Komšić, v. r.	Predsjedatelj Zastupničkog doma Parlamenta Federacije BiH Ismet Briga, v. r.
--	---

Na osnovu člana IV B.7. a) (IV) Ustava Federacije Bosne i Hercegovine, donosim

UKAZ

O PROGLAŠENJU ZAKONA O DOPUNAMA
ZAKONA O PRIVREDNIM DRUŠTVIMA

Proglašava se Zakon o dopunama Zakona o privrednim društvima, koji je donio Parlament Federacije BiH na sjednici Predstavničkog doma od 13. decembra 2001. godine i na sjednici Doma naroda od 14. decembra 2001. godine.

Broj 01-1001/01 31. decembra 2001. godine Sarajevo	Predsjednik Federacije BiH Karlo Filipović, s. r.
--	---

ZAKON

O DOPUNAMA ZAKONA O
PRIVREDNIM DRUŠTVIMA

Član 1.

U Zakonu o privrednim društvima ("Službene novine Federacije BiH", br. 23/99 i 45/00) u članu 7. dodaje se novi stav 1. koji glasi:

"Propise o uvjetima za obavljanje djelatnosti iz stava 3. ovog člana donosi nadležno federalno ministarstvo."

Član 2.

U članu 383. dodaju se novi st. 2. i 3. koji glase:

"Ukoliko se reorganizacija privrednog društva sa pretežno državnim kapitalom vrši putem izdvajanja pojedinih dijelova u samostalne pravne subjekte, a u cilju bržeg provođenja privatizacije, prilikom upisa u sudski registar takvog pravnog subjekta neće se primjenjivati odredba člana 60. tačka 5. ovog zakona.

Za izdvajanje u smislu stava 2. ovog člana privredno društvo je dužno pribaviti prethodnu saglasnost nadležnog organa uprave koji vrši ovlaštenja i obaveze po osnovu državnog kapitala, u skladu sa zakonom i drugim propisima."

Član 3.

Ovaj zakon stupa na snagu narednog dana od dana objavljivanja u "Službenim novinama Federacije BiH".

Predsjedavajući Doma naroda Parlamenta Federacije BiH prof. dr. Ivo Komšić, s. r.	Predsjedavajući Predstavničkog doma Parlamenta Federacije BiH Ismet Briga, s. r.
--	---

7

Na temelju članka IV. B. 7. a) (IV) Ustava Federacije Bosne i Hercegovine, donosim

UKAZ

O PROGLAŠENJU ZAKONA O ZAŠTITI DOBARA
KOJA SU ODLUKAMA POVJERENSTVA ZA ZAŠTITU
NACIONALNIH SPOMENIKA PROGLAŠENA KAO
NACIONALNI SPOMENIK BOSNE I HERCEGOVINE

Proglašava se Zakon o zaštiti dobara koja su odlukama Povjerenstva za zaštitu nacionalnih spomenika proglašena kao nacionalni spomenik Bosne i Hercegovine, a koji je donio

Parlament Federacije Bosne i Hercegovine na sjednici Zastupničkog doma od 13. prosinca 2001. godine i na sjednici Doma naroda od 14. prosinca 2001. godine.

Broj 01-3-4/02 14. siječnja 2002. godine Sarajevo	Predsjednik Federacije BiH dr. Safet Halilović, v. r.
---	---

ZAKON

O ZAŠTITI DOBARA KOJA SU ODLUKAMA
POVJERENSTVA ZA ZAŠTITU NACIONALNIH
SPOMENIKA PROGLAŠENA KAO NACIONALNI
SPOMENIK BOSNE I HERCEGOVINE

I - OPĆE ODREDBE

Članak 1.

Ovim zakonom utvrđuju se mjere zaštite i rehabilitacije dobara koja su utvrđena kao nacionalni spomenici Bosne i Hercegovine odlukom Povjerenstva za zaštitu nacionalnih spomenika, uspostavljene sukladno Aneksu 8. Općeg okvirnog sporazuma za mir u Bosni i Hercegovini (u daljnjem tekstu: Povjerenstvo).

Odredbe drugih zakona i propisa neće se primjenjivati ako su suprotne ovom zakonu.

Članak 2.

Pojašnjenje izraza u ovom zakonu

Nacionalni spomenik, u smislu ovog zakona, je dobro koje je Povjerenstvo utvrdilo kao nacionalni spomenik Bosne i Hercegovine sukladno članku 5. Aneksa 8. Općeg okvirnog sporazuma za mir u Bosni i Hercegovini (u daljnjem tekstu: Aneks 8.) dobra upisana na "Privremenu listu nacionalnih spomenika", kao i dobra koja su, na osnovi zakona, pojedinačnim rješenjima nadležnog organa registrirana kao spomenici kulture, graditeljskog naslijeđa, historijskog značaja ili prirodnog naslijeđa na području Bosne i Hercegovine prije travnja 1992. godine, sve do donošenja konačne odluke Komisije sukladno članku 5. stavka 4. Aneksa 8.

Rehabilitacija nacionalnih spomenika Bosne i Hercegovine, u smislu ovog zakona, je vraćanje oštećenog ili uništenog dobra u stanje u kojem je to dobro bilo prije njegovog uništenja, kao i ponovna izgradnja (obnova) nacionalnog spomenika na istom mjestu, u istom obliku, u istim dimenzijama i od istog ili istovrsnog materijala kao što je bio prije rušenja uz, u mjeri u kojoj je to moguće, korištenje iste tehnologije građenja.

II - ZAŠTITA NACIONALNIH SPOMENIKA

Članak 3.

Nacionalni spomenici uživaju najviši stupanj pravne zaštite utvrđene posebnim zakonima u Federaciji Bosne i Hercegovine (u daljnjem tekstu: Federacija).

Članak 4.

Svatko, a posebice nadležni organi Federacije, kantona i gradske i općinske službe sudržat će se od bilo kakvih radnji koje mogu oštetiti nacionalne spomenike ili dovesti u pitanje njihovu zaštitu i rehabilitaciju.

III - ODOBRENJA ZA ZAŠTITU, KONZERVACIJU I
OBNOVU NACIONALNIH SPOMENIKA

Članak 5.

Odobrenja za zaštitu, konzervaciju, prezentaciju i rehabilitaciju nacionalnih spomenika izdaje Federalno ministarstvo prostornog uređenja i okoliša (u daljnjem tekstu: Ministarstvo).

Članak 6.

Uz zahtjev za izdavanje odobrenja iz članka 5. ovog zakona podnositelj zahtjeva dužan je priložiti: